

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA HAMSINI NA MBILI

21 JUNI, 2017



ORODHA YA SHUGHULI ZA LEO

MKUTANO WA SABA

KIKAO CHA HAMSINI NA MBILI – TAREHE 21 JUNI, 2017

I. DUA:

II. HATI ZA KUWASILISHA MEZANI:

WAZIRI WA FEDHA NA MIPANGO:

Maelezo ya Waziri wa Fedha na Mipango kuhusu Muswada wa Sheria ya Fedha wa Mwaka 2017 (*The Finance Bill, 2017*).

MWENYEKITI WA KAMATI YA BAJETI:

Maoni ya Kamati ya Bajeti kuhusu Muswada wa Sheria ya Fedha wa Mwaka 2017 (*The Finance Bill, 2017*).

MSEMAJI MKUU WA KAMBI YA UPINZANI KUHUSU WIZARA YA FEDHA NA MIPANGO:

Maoni ya Msemaji Mkuu wa Kambi Rasmi ya Upinzani wa Wizara ya Fedha na Mipango kuhusu Muswada wa Sheria ya Fedha wa Mwaka 2017 (*The Finance Bill, 2017*).

III. MASWALI:

OFISI YA RAIS (TAMISEMI):

426. MHESHIMIWA BONIVENTURA DESTERY KISWAGA (MAGU):

Atamuuliza Mheshimiwa Waziri wa Nchi, Ofisi ya Rais (TAMISEMI):- Madiwani ni wasimamizi wakuu wa rasilimali za Halmashauri na wakati wa uchaguzi wa Madiwani, Wabunge na Rais ni mafiga matatu:-

- (a) Je, ni lini Serikali itawaongezea posho ya mwezi Madiwani hao;
- (b) Je, ni lini Serikali itawapa usafiri na msamaha wa kodi Madiwani katika vyombo vya usafiri.

427. MHESHIMIWA ALMAS ATHUMAN MAIGE (TABORA KASKAZINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Katika Kijiji cha Majengo Kata ya Ikongolo, TASAF ilijenga bwawa kubwa la kukinga maji ya mvua kwa madhumuni ya umwagiliaji na matumizi ya Vijiji vyote vinne vya Kata ya Ikongolo, lakini bwawa hilo lilivuna maji kwa mwaka mmoja tu na kisha kwa masikitiko

makubwa bwawa hilo lilipasuka kingo yake moja na maji yote yakatoka:-

- (a) Je, Wataalam wa Serikali wamegundua ni kwa nini bwawa hilo lilipasuka kingo yake kuu;
- (b) Kwa vile bwawa hilo lilileta shughuli nyingi za kiuchumi kwa Wananchi kwa kilimo cha umwagiliaji, uvuvi na maji kwa mifugo na Wananchi; Je, ni lini Serikali itanza harakati za kuziba mpasuko uliotokea katika kingo za bwawa ili Wananchi waendeleze shughuli zilizosimama.

**428. MHESHIMIWA MARIA NDILA KANGOYE
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali imeziagiza Halmashauri zote za Wilaya nchini kutenga asilimia 10 ya mapato yake kwa ajili ya Vijana na Wanawake:-

Je, Serikali imetoa kiasi gani kwa vikundi vya Vijana na Wanawake tangu zoezi hilo lianze.

**429. MHESHIMIWA MENDRAD LUTENGANO
KIGOLA (MUFINDI KUSINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Ujenzi wa Vituo vya Afya Kata za Mninga na Mtwango bado haujakamilika hivyo Wananchi wa Kata hizo wanaendelea kupata shida ya matibabu:-

Je, ni lini Serikali itakamilisha ujenzi wa Vituo hivyo ili Wananchi waweze kupata huduma za matibabu.

WIZARA YA MALIASILI NA UTALII:

**430. MHESHIMIWA DKT. IMMACULATE SWARE
SEMESI (VITI MAALUM):**

Atamuuliza Mheshimiwa Waziri wa Maliasili na Utalii:- Kwa kuwa Serikali kupitia Idara ya Misitu ina jukumu la kutathmini rasilimali zake ikiwemo miti:-

- (a) Je, Wizara inatekeleza kwa kiwango gani katika kufanya tathmini za Idara zake kuangalia athari za magonjwa ya miti;
- (b) Je, Nchi inazo ekari ngapi za mioto ya asili na iliyopandwa;
- (c) Je, hadi sasa ni ekari ngapi za miti zimekatwa kwa ajili ya mbao na mkaa.

431. MHESHIMIWA NAGHENJWA LIVINGSTONE KABOYOKA (SAME MASHARIKI):

Atamuuliza Mheshimiwa Waziri wa Maliasili na Utalii:- Sehemu kubwa ya Msitu ya Hifadhi ndani ya Wilaya ya Same ni Msitu wa Shengena ambao ni chanzo cha Mito mikubwa ya Nakombo, Hingilili, Yongoma na Saseni ambayo maji yake yanatumiwa na wakazi wa Majimbo ya Same Mashariki, Mlalo na Korogwe Vijijini:-

- (a) Je, ni lini Serikali itaanzisha doria kulinda Msitu wa Shengena kuzuia uharibifu unaoendelea ikiwemo uchomaji moto ambao pia unaathiri maisha ya watu;
- (b) Je, Serikali haioni umuhimu wa kuanzisha utaratibu wa uvunaji wa miti iliyokomaa katika Msitu wa Shengena na kuweka mkakati wa kuotesha miti mingine ili Msitu uwe endelevu;
- (c) Je, Serikali inasema nini juu ya athari za kimazingira zinazotokana na uchimbaji wa madini ya Bauxite yanayoendelea katika Msitu wa Shengena.

**WIZARA YA AFYA, MAENDELEO YA JAMII, JINSIA,
WAZEE NA WATOTO:**

**432. MHESHIMIWA JUMA OTHMAN HIJA
(TUMBATU):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Wataalam wa afya wanaeleza kuwa mtu anaweza kuwa na virusi vya UKIMWI lakini hana ugonjwa wa UKIMWI:-

Je, nini maana ya maelezo haya.

**433. MHESHIMIWA JACQUELINE NGONYANI
MSONGOZI (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kituo cha Afya cha Mji Mwema katika Manispaa ya Songea kinahudumia watu zaidi ya laki mbili lakini kinapata mgao wa dawa sawa na Vituo vingine vya Afya:-

(a) Je, Serikali ina mpango gani wa kukiongezea dawa Kituo hiki ili kipate mgao wa dawa na vifaa tiba kama Hospitali ya Wilaya;

(b) Je, ni lini Serikali itakamilisha vifaa vya upasuaji katika Kituo cha Afya cha Mji Mwema.

WAZIRI WA FEDHA NA MIPANGO:

434. MHESHIMIWA JUMA HAMAD OMAR (OLE):

Atamuuliza Mheshimiwa Waziri wa Fedha na Mipango:- Kuna wakati Mwananchi anapaswa kulipa kodi zaidi ya thamani ya bidhaa au kifaa alichonunua:-

(a) Je, Serikali haioni kwamba yanapotokea hayo inashawishi mlipa kodi husika kulipa kodi kwa njia za panya au kukwepa kulipa kodi;

(b) Je, ni kiasi gani cha misamaha ya kodi kimekuwa kikitolewa na Serikali kwa kipindi cha miaka 10 nyuma na ni nini athari zake katika uchumi.

WIZARA YA UJENZI, UCHUKUZI NA MAWASILIANO:

435. MHESHIMIWA DEOGRATIAS FRANCIS NGALAWA (LUDEWA):

Atamuuliza Mheshimiwa Waziri wa Ujenzi, Uchukuzi na Mawasiliano:- Tarafa ya Mwambao katika Wilaya ya Ludewa yenye Kata za Lupingu, Lifuma, Makonde, Kilindo na Lumbila haina mtandao wa mawasiliano ya simu:-

Je, Serikali ina mpango gani wa kuwapelekea Wananchi wa maeneo hayo mtandao wa mawasiliano ya simu.

WAZIRI WA KILIMO, MIFUGO NA UVUVI:

**436. MHESHIMIWA OMARY TEBWETA MGUMBA
(MOROGORO KUSINI MASHARIKI):**

Atamuuliza Mheshimiwa Waziri wa Kilimo, Mifugo na Uvuvi:- Shamba Na. 217 lenye ukubwa wa hekta 63,000 lililopo katika Kata ya Mkunazi Morogoro Vijijini limepata muwekezaji wa Kampuni ya Mkulazi Holding Co. Ltd kwa ajili ya kuliendeleza kwa kilimo cha mazao mbalimbali na uwekezaji wa kiwanda cha sukari. Aidha, Wakulima wadogo (*out growers*) wametengewa eneo la hekta 3000 tu na wawekezaji hekta 60,000 kwa ajili ya shughuli zao:-


- (a) Je, Serikali ina mpango gani wa kuongeza ardhi ya akiba kwa wakulima wadogo kutoka hekta 3000 kwenda hekta 23,000;
- (b) Je, Serikali haioni kuwa kwa kutenga hekta 3000 tu itazalisha vibarua wengi wazawa badala ya kuwashirikisha katika uzalishaji ili kuinua hali zao za maisha pamoja na kuongeza Pato la Taifa.

IV. MISWADA YA SHERIA YA SERIKALI:

***(Kusomwa Mara ya Pili, Kamati ya Bunge Zima na
Kusomwa Mara ya Tatu)***

Muswada wa Sheria ya Fedha wa Mwaka 2017 (*The
Finance Bill, 2017*).

**DODOMA
21 JUNI, 2017**



**DKT. T. D. KASHILILAH
KATIBU WA BUNGE**

BUNGE LA TANZANIA